

ТАНЛОВ-1443: «МАЗҲАБЛАР — БИРЛИК РАМЗИ» Қўлларни киндик остига қўйиш - суннат амал (иккинчи мақола)



14:00 / 04.10.2021 1899

Намозхон нигоҳини сажда қилинадиган жойга қаратади, қўллар киндикдан пастга, ўнг қўлнинг бош ва чиначоқ бармоқлари чап қўлнинг бўғинини ушлайди. Қолган ўртадаги учала бармоқ эркин қўйилади.

هـيـلـع هـلـلـيـلـصـيـبـنـلـاـتـيـأـر" لـاـق هـنـع هـلـلـيـضـر رـجـب نـب لـئـاـو نـع
مـاـمـإـلـا هـجـرـخـا "هـرـسـلـا تـحـت هـالـصـلـا يـف هـلـمـش يـلـع هـنـيـمـي عـضـو مـلـسـو
تـاـقـث هـلـا جـر .هـبـيـش يـبـا نـبـا

Воил ибн Ҳужр розияллоҳу анҳудан, у зот оталаридан ривоят қилинади: «У зот айтадилар: **«Мен Расулуллоҳ соллаллоҳу алайҳи васалламни намозда ўнг қўлларини чап қўллари устига киндик остига қўйганларини кўрдим».**

Имом Ибн Абу Шайба ривояти.

Яна бир ривоятда бундай келади:

ذخـا" :هـنـع هـلـلـيـضـر هـرـه و بـأ لـا ق :لـا ق هـنـع هـلـلـيـضـر لـئـاـو يـبـا نـع
(دواد وبـا مـاـمـإـلـا هـاـور) "هـرـسـلـا تـحـت هـالـصـلـا يـف فـكـالـا يـلـع فـكـالـا

Абу Воил розияллоху анхудан ривоят қилинади: Абу Ҳурайра розияллоху анху айтдилар: **«Намозда кафтнинг устига кафтни қўйиб, киндик остида ушланади».**

Имом Абу Довуд ривояти.

Аллома Зафар Аҳмад Усманий мана шу ривоятни келтириб, бундай деганлар: «Муҳаммад ибн Сириин Абу Ҳурайра розияллоху анхудан ҳадис ривоят қилганларида, у зотдан «Бу Расулуллоҳ соллаллоху алайҳи васалламданми?» деб сўрашган. Шунда Ибн Сириин раҳматуллоҳи алайҳ: «Абу Ҳурайра розияллоху анхунинг ҳар бир ҳадиси Расулуллоҳ соллаллоху алайҳи васалламдандир», деб жавоб берганлар.

Демак, Абу Ҳурайра розияллоху анхунинг ҳар бир ҳадиси марфуъ (Расулуллоҳдан келган) эканлиги келиб чиқади. Шундай қилиб, намозда қўлларни киндик остига қўйиш суннат эканлиги собит бўлган».

دل ع فكل ع ضو ة ن س ل ا : ل ا ق ة ن ع ه ل ل ا ي ص ر ا ي ل ع ن ا ة ف ي ح ج ي ب ا ن ع
(دواد وبام إله هاور) ة ر س ل ا ت ح ت ة ا ل ص ل ا ي ف ف ك ل ا

Абу Жухайфа розияллоху анхудан ривоят қилинади: «Али розияллоху анху айтдилар: **«Намозда қўлни қўлнинг устига қўйиб, киндик остига тушириш - суннатдир».**

Имом Абу Довуд ривояти.

Бу ҳадис Имом Аҳмаднинг «Муснад»ида ҳам келтирилган. Ҳофиз ибн Ҳажар ўзининг «Тажриду заводи муснад ал-Баззор» асарида: «Агар ҳадис «Муснади Аҳмад»да келса, бошқа Муснадларга ҳожат йўқ», деган. Шундай қилиб, ушбу ҳадис ҳасан даражасидан тушмайди («Эълоус сунан» китоби).

Намозда қўлни киндик остига қўйиш ҳақида «Мухтасару-л-Виқоя» китобида бундай дейилган:

ه ت ر س ت ح ت ه ل ا م ش ي ل ع ه ن ي م ي ع ض ي

«(Намоз ўқувчи) ўнг қўлни чап қўлнинг устига қилиб, киндик остига қўяди».

Намозда қўлни киндик остида тутишнинг баъзи афзалликлари ҳақида «Музмарот» китобидан бундай дейилган:

طَفْحًاو ۋرۋعًا رتس ىل او عوشخ لى لى غلب او عضاوت لى لى برقًا ه نال
طوقس لى ن ع رازال ل

«Қўлни киндик остида тутиш - камтарликка яқинроқдир, хушуъ ва аврат аъзоларини ёпилишига олиб борувчироқдир, изорни тушиб кетишдан сақлагувчироқдир».

Демак, намозда қўлни қаерда тутиш ҳолати ҳақидаги ҳадисларни мувофиқлаштириш керак бўлади. Уни эса фақат ижтиҳод қилишга қодир уламоларимиз аниқлаб берадилар.

Ҳанафий мазҳабимиз мужтаҳидлари юқоридаги ҳадисларга асосланиб, эркалар қўлларини киндик остида тутадилар дейишган. Қолаверса ушбу ҳолат эркаларда таъзим ва хушуъга яқинроқдир.

Омин махфий айтилади, жаҳрий айтилмайди

Ҳанафий мазҳабига кўра, Фотиҳа сурасидан кейин оминни ҳар бир намозхон ичида (махфий) айтади. Барча мужтаҳид уламоларимизнинг наздларида намозда Фотиҳа сурасидан кейин «омин»ни айтиш суннат ҳисобланади. Ҳанафий мазҳаби ва моликий мазҳабида «омин»ни овоз чиқармай айтиш керак бўлади. Бунга қуйидаги маълумотларни далил қилиб келтирганлар:

1. «Омин» лафзи дуодир. Унинг маъноси «ижобат қил», яъни «дуони қабул қил», демакдир. Қандай дуо қилиш ҳақида Аллоҳ таоло Қуръони Каримда бундай марҳамат қилган:

﴿يَدْعُ الْمَلَأُ بِحُيِّ آلُؤَنَ إِةَ فُحَّوْ أَعْرَضَتْ مُكَّبَرًا أُوْغَدًا﴾

«Роббингизга зорланиб ва хуфёна (овозсиз) дуо қилингиз! Зеро, У (дуода ва бошқада) ҳаддан ошувчиларни ёқтирмагай» (Аъроф сураси, 55-оят).

Ҳадиси шарифда Пайғамбаримиз соллаллоҳу алайҳи васаллам бу ҳақда бундай дедилар:

ن ع خيش لى وبأ مام إلاله أوره) ۋي نال ع لى ف ۋو د ن ى ع ب س ل د ع ت ر س ل ل ۋو ع د
(هن ع ل ل ل ي ضر سن أ

«Ичида қилинган дуо ташида қилинган дуонинг етмиштасига тенг келади» (Имом Абу Шайх ривояти).

Муҳаддис Ибн Ҳиббон «Саҳиҳ» асарида ушбу ҳадисни келтиради:

یٰ فِیْهِ اَعْدَالٌ رِیْخٌ

«Дуонинг яхшиси махфийсидир».

Демак, «омин»ни ичимизда айтсак, мазкур оят ва ҳадисларга амал қилган бўламиз.

2. Абу Воил розияллоҳу анҳудан ривоят қилинади, у зот айтадилар:

أَلُو، مِیْخِرِلِلَا، نَمُخِرِلِلَا، هَلَلِ، مَسْبَبٍ، نَارَهَجَیْ، أَلِ، دُوْعَسَمٌ، نُبَاوٌ، یَلَعٌ، نَأَاکَ
نِیْمَآبِ، أَلُو، دُوْعَتِ، لِبَابِ

(هَنَعِ هَلَلِ یَضَرُّ لَیْئَاوِ یَبْأَنْعِ یَنَارَبِّ طَلَامِ، إِنْ أَوْرَ)

«Али ва Ибн Масъуд розияллоҳу анҳумолар «(Намоз ичидаги) бисмиллаҳир роҳманир роҳийм»ни ҳам, «аъуuzu»ни ҳам, «омин»ни ҳам овоз чиқариб айтишмасди».

Имом Табароний ривоятлари.

Расулуллоҳ соллаллоҳу алайҳи васаллам билан доимо бирга юрган ҳазрат Али ва Абдуллоҳ ибн Масъуд розияллоҳу анҳумо каби ниҳоятда илмли саҳобийларнинг «омин»ни ичларида айтишлари ҳам кучли далил ҳисобланади. Бошқа бир ривоятда ҳазрати Умар розияллоҳу анҳунинг ҳам «омин»ни ичларида айтиб намоз ўқиганлари таъкидланади.

Ҳанафий уламолар худди шу маънодаги, лекин бошқа саҳобаи киромларнинг исмлари зикр қилинган ривоятларни ҳам келтирадилар.

3. «Омин» лафзини Қуръондан эмаслиги ҳаммамизга маълум. Бунинг устига, ушбу лафз арабча ҳам эмас. «Аъуuzu биллаҳи минаш шайтонир рожийм» эса Қуръонда келган, яна Аллоҳ таоло бизга Қуръон ўқиганимизда уни айтишни вожиб қилган. Шундай бўлса ҳам «Аъуuzu биллаҳи минаш шайтонир рожийм»ни намозда ичимизда айтамыз. Нима учун энди «омин»ни овоз чиқариб айтишимиз керак?!

4. Намоз жуда ҳам машҳур ибодат ҳисобланади. Расулуллоҳ соллаллоҳу алайҳи васаллам намоз фарз бўлган кундан бошлаб ҳар куни беш вақт намозни жамоат билан ўқиганлар. Ул зот соллаллоҳу алайҳи васалламнинг ҳар бир намозлари минглаб кишилар томонидан синчковлик билан кузатиб борилган.

Агар «омин»ни овоз чиқариб айтиш афзал бўлганида, у зот алайҳиссалом бу нарсени баён қилган бўлардилар ва орада ҳеч қандай шубҳа қолмас эди. Ҳолбуки, у зот соллаллоҳу алайҳи васалламнинг ўзлари имомлик қилаётганларида, баъзан таълим учун биринчи сафдагилар эшитадиган қилиб «омин», деганларидан бошқа ҳеч бир далил йўқ. Айниқса, имомга иқтидо қилган кишиларнинг «омин»ни овоз чиқариб айтганлари ҳақида ҳеч қандай ривоят маълум эмас.

Рукудан аввал ва рукудан кейин қўллар отнинг думига ўхшаб кўтарилмайди

Ҳанафий ва Моликий мазҳаби уламолари намозда рукудан аввал ва рукудан кейин ёки учинчи ракатнинг қиёмига турганда қўл кўтарилмаслигини айтадилар. Бу сўзларига қуйидаги ҳадисни далил қиладилар. Жобир ибн Самура розияллоҳу анҳудан ривоят қилинади:

مُكَارًا يَلَامُ: لَأَقْفَمَ لَسَوْ وَهِيَ لَعْلَلْ لَّ لَصَّ لَلْ لُؤْسَرِ اِنِي لَع ج ح
ةَالص ل ل ي ف ا و ن ك س ا س مُ ش ل ي خ ب ا ن د ا ا ه ا ن ا ك مُ ك ي د ي ا ي ع ف ا ر

«Расулуллоҳ соллаллоҳу алайҳи васаллам бизнинг олдимизга чиқиб: «Нимага сизларни икки қўлларингизни қайсар отнинг думига ўхшаб кўтараётганингизни кўряпман?! Намозда сокин туринглар» дедилар».

Имом Муслим ривояти.

Асваддан ривоят қилинади:

«Умар ибн Хаттобнинг аввалги такбирда икки қўлини кўтарганини кўрдим. Кейин буни қайтармади»

Имом Таҳовий ривояти.

Осим ибн Кулайб отасидан, у Алқамадан ривоят қилади: «Абдуллоҳ ибн Масъуд розияллоҳу анҳу айтади: **«Сизларга Расулуллоҳ соллаллоҳу алайҳи васалламнинг намозларини ўқиб берайми?»** деб намоз ўқиди. Икки қўлини биринчи мартада кўтаргандан бошқа кўтармади».

Саждага борганда аввал тизза ерга қўйилади

Саждага борилаётганда ерга яқин аъзолар бирин-кетин ерга қўйилади, яъни аввал тизза, кейин қўллар ва юз. Саждадан тураётганда ердан узоқ аъзолар биринчи кўтарилади, яъни юз, қўл, тизза. Заруратсиз ерга таяниб

туриш макруҳ. «Фатавои Ҳиндия» китобида бундай дейилади:

أَلْوَاةٌ يَتَبَكَّرُ عَضِيْفٍ ضَرَّالِ يَلِا بُرْقَا نَاك اَم اَلْوَاُ غَضِيْ دُوْحٌ سَلِا دَارَا اِذَا
مُتَّ هَتَّهَج اَلْوَاُ غُفْرِيْ غُفْرِلَا دَارَا اِذَا وَ هَتَّهَج مُتَّ هُفْنَا مُتَّ هِيْدِيْ مُتَّ
هُيْدِيْ... .

«Агар намозхон сажда қилишни хоҳласа, аввало ерга яқин бўлган аъзони (ерга) қўяди. Бас (шундай экан), аввал тиззасини, сўнг икки қўлини, сўнг бурнини, сўнгра пешонасини ерга қўяди. Саждадан турганида аввал пешонасини, сўнг бурнини, сўнгра икки қўлини кўтаради...».

«Мухтасару-л-виқоя» китобида эса:

مُتَّ هَسْ اُرُغْفَرِيْ وَ رُبَكِّي وَ هِيْدِيْ مُتَّ هِيْتَبَكَّرُ غَضِيْ فُجْسَي وَ رُبَكِّي مُتَّ
هِيْتَبَكَّرُ

«(Намоз ўқувчи) рукудан сўнг такбир айтади ва сажда қилади. Саждага бориш асносида аввал тиззаларини сўнгра қўлларини ерга қўяди, (саждадан турганида) такбир айтади ва аввал бошини сўнгра икки қўли ва тиззаларини ердан кўтаради...», дейилган.

Воил ибн Ҳужр розияллоҳу анҳудан ривоят қилинган ҳадисда:

لَبَقِ هِيْتَبَكَّرُ غَضِيْ دَجَس اِذَا مَلَسَ وَ هِيْلَعُ هَلَلَا اِلَّص هَلَلَا لُؤْسَرُ تُيْ اُر
مامال او دواد وبأ مامالا هاور) "هِيْتَبَكَّرُ لَبَقِ هِيْدِيْ غَضِيْ فَضَن اِذَا وَ هِيْدِيْ
(هنع هلال يضر رجح نبال لئ او نع يذمرت ل)

«Мен Расулulloҳ соллаллоҳу алайҳи васалламни сажда қилганларида қўлларидан аввал тиззаларини ерга қўйганларини ва саждадан қайтаётганларида тиззаларидан аввал қўлларини ердан кўтарганларини кўрдим», дейилади.

Имом Абу Довуд, Имом Термизий ривояти.

Бошқа ривоятда эса:

رَحِي اَمَكِ هِيْتَبَكَّرُ اِلَّعِ وَعُوْكَرُ نَعَبٌ رَحٌ هُنَّ اِلَّص اِلَّص اِلَّص اِلَّص اِلَّص اِلَّص اِلَّص اِلَّص اِلَّص اِلَّص اِلَّص اِلَّص
نع راثلآل يناعم حرش ي ف يواح طالا هاور). هِيْدِيْ لَبَقِ هِيْتَبَكَّرُ غَضِيْ وَ رِيْغِب ل
(امهنع هلال يضر دوسأل او عمقلع)

«Биз ҳазрат Умар розияллоҳу анҳунинг намозларидан шуни ўргандикки, у киши руку қилганларидан кейин ҳудди туя

чўккалагандек чўккалар эдилар ва тиззаларини қўлларида аввал ерга қўярдилар», дейилади.

Имом Таҳовий Алқама ва Асвад розияллоху анҳумолардан ривоят қилганлар.

Бу борада бир қанча ҳадислар мавжуд. Моликий мазҳабидан ташқари барча мазҳаб олимлари ушбу ҳадисларни дақиқ ўрганиб, **«сажда қилишда аввало ерга яқин аъзолар ерга қўйилади ва саждадан туришда эса ердан узоқ бўлган аъзолар ердан кўтарилади»,** деган фикрга иттифоқ бўлганлар.

Оёқларнинг бармоқлари қиблага қараган ҳолда эгилиб, аввал тизза ерга қўйилади. Сўнгра, бурун ва пешона қўйилиб, сажда қилинади.

Демак, мусулмонларнинг бирлиги, ибодатларнинг мукамаллиги, жамиятимизнинг тинчлиги учун юртимиз мусулмонлари бир мазҳаб – Имом Аъзам раҳматуллоҳи алайҳнинг мазҳабига амал қилишлари ўта муҳим ва жуда зарурдир. Бу ҳақда Валийуллоҳ Деҳлавий раҳматуллоҳи алайҳ «Ал-Инсоф фий баён сабаб ал-ихтилоф»да шундай ёзади: «Агар бир оми одам Ҳинд ёки Мовароуннаҳр диёрида яшаса, у ерда Шофеъий, Моликий ёки Ҳанбалий мазҳабларининг бирорта олими ҳам, шу мазҳабга тегишли китоблар ҳам бўлмаса унга Абу Ҳанифа мазҳабига эргашиш вожиб бўлади ва бу мазҳабдан чиқиши ҳаром бўлади».

Юқорида келтирилган намозга оид айрим масалаларнинг баъзилари суннат, қолганлари эса мустаҳаб амаллардир. Бироқ бир мазҳабга эргашиш вожиб, фитна чиқариш, турли ихтилофларга сабаб бўлиш, мусулмонлар бирдамлигига раҳна солиш эса ҳаромдир. Шундай экан, уламоларга эргашайлик, бир мазҳабга амал қилайлик. Албатта, мазҳаблар – бирлик рамзидир.

(Тамом)

Даврон Нурмуҳаммад